

PRIJEDLOG

Na osnovu člana 55. tačka 3. Statuta općine Ilijaš-prečišćeni tekst ("Sl.novine Kantona Sarajevo", br.20/09 i 46/18), Općinsko vijeće Ilijaš na svojoj 27. sjednici održanoj dana 30.01.2019. godine donijelo je

ODLUKU **o izmjenama i dopunama Poslovnika Općinskog vijeća Ilijaš**

Član 1.

Ovom Odlukom vrše se izmjene i dopune Poslovnika Općinskog vijeća Ilijaš ("Službene novine Kantona Sarajevo", br.2/10 i 18/15), te glase:

"Član 49. alineja 10." briše se.

Član 2.

"Član 50. alineje 3, 9 i 10 " brišu se.

Član 3.

"Član 51. alineja 5" briše se.

Član 4.

"Član 52. alineja 10" briše se.

Član 5.

"Član 55. alineja 6" briše se, a dodaje se nova alineja 5 koja glasi:"Jedanput godišnje razmatra Izvještaj o radu savjeta mjesne zajednice za prethodnu godinu, a najkasnije do 31.03. tekuće godine".

Dodaje se alineja 7 koja glasi:"Nespojiva je funkcija predsjednika savjeta i članova savjeta mjesne zajednice i predsjednika komisije i članova Komisije za poslove mjesnih zajednica i saradnju sa drugim općinama i gradovima"

Član 6.

"Član 56. alineja 3" briše se.

Član 7.

"Član 60. alineja 5 " briše se.

Član 8.

"Član 66. stav 4. mijenja se i glasi: "Svečane sjednice održavaju se u povodu Dana općine i Dana nezavisnosti BiH, Dana Armije BiH, Dana državnosti BiH i prema potrebi u čast nekog drugog značajnog događaja i ličnosti".

Član 9.

"Član 69. stav 3. iza riječi: "pomoćnici općinskog načelnika" dodaju se riječi: "i predsjednicima savjeta mjesnih zajednica".

Član 10.

"Član 75. stav 2. glasi: "Vijećnik po jednoj tački dnevnog reda ima pravo na jednu diskusiju u trajanju od pet minuta, a predsjednik kluba ili šef kluba vijećnika u trajanju od osam minuta".

Dosadašnji stav 2. postaje stav 3.

Stav 4. glasi: "Replika istom govorniku, po istom pitanju, od strane jednog vijećnika dozvoljena je najviše dva puta".

Dosadašnji stav 4. briše se, a dosadašnji stav 3. postaje stav 5.

Član 11.

"Član 78. stav 2. mijenja se i glasi: "Pauza za konsultacije u klubovima vijećnika u pravilu može trajati do 15 (petnaest) minuta, a o dužoj pauzi odlučuje predsjedavajući općinskog vijeća".

Član 12.

"Član 171. stav 2. iza riječi: "Općinskog vijeća" dodaju se riječi: "Ukoliko podnesena inicijativa ne zahtjeva dodatna finansijska sredstva i provođenje određenih procedura, a ukoliko zahtjeva, o istoj treba da se očituje općinski načelnik koji će sačiniti informaciju i pismeno dostaviti, u pravilu, na prvoj narednoj sjednici Općinskom vijeću".

Član 13.

Ova Odluka stupa na snagu danom objavljivanja u "Službenim novinama Kantona Sarajevo".

OBRAZLOŽENJE

Pravni osnov za donošenje Odluke o izmjenama i dopunama Poslovnika Općinskog vijeća Ilijaš, sadržan je u članu 55. tačka 3. Statuta općine Ilijaš-prečišćeni tekst ("Sl.novine Kantona Sarajevo", br.20/09 i 46/18) i Zaključka Kolegija Općinskog vijeća Ilijaš broj:01/1-02-Sl./19 od 10.01.2019. godine, a nakon održanih konsultacija političkih partija koje su zastupljene u OV-u Ilijaš u mandantom periodu 2016.-2020. godina, kojim se zadužuju sve naprijed navedene političke partije da predlože eventualne izmjene i dopune Poslovnika Općinskog vijeća Ilijaš ("Službene novine Kantona Sarajevo", br.: 2/10 i 18/15), do ponedjeljka 21.01.2019. godine do 10:00 h.

Shodno naprijed navedenom, a u skladu sa članom 47. Poslovnika Općinskog vijeća Ilijaš ("Službene novine Kantona Sarajevo", br.2/10 i 18/15), Komisija za Statut i propise Općinskog vijeća Ilijaš, pripremila je tekst prijedloga Odluke o izmjenama i dopunama Poslovnika Općinskog vijeća Ilijaš i na isti je dala mišljenje Općinskom vijeću Ilijaš o inicijativi za izmjene i dopune pomenutog Poslovnika, te predlaže Općinskom vijeću Ilijaš, da usvoji predloženu Odluku o izmjenama i dopunama Poslovnika Općinskog vijeća Ilijaš.

Predsjednik komisije za Statut i propise


Nihad Suljević, dipl. pravnik



Komisija za Statut i propise

Na osnovu čl. 36. stav 2. i 47. Poslovnika Općinskog vijeća Ilijaš («Službene novine Kantona Sarajevo», broj: 2/10 i 18/15), Komisija za Statut i propise Općinskog vijeća Ilijaš na sjednici održanoj 22.01.2019. godine, razmatrala je pristigle prijedloge za izmjene i dopune Poslovnika Općinskog vijeća Ilijaša, te podnosi

IZVJEŠTAJ

Komisija je konstatovala da su po Zaključku Kolegija Općinskog vijeća Ilijaš, broj:01/1-02-SI./19 od 10.01.2019. godine, a nakon održanih konsultacija političkih partija koje su zastupljene u OV-u Ilijaš u mandantom periodu 2016-2020. godina, kojim su zadužene sve naprijed navedene političke partije da predlože eventualne izmjene i dopune Poslovnika Općinskog vijeća Ilijaš ("Službene novine Kantona Sarajevo", br.: 2/10 i 18/15), u ostavljenom roku pristigla četiri prijedloga i to od:

- prijedlog OO LDS Ilijaš;
- prijedlog OO SDA Ilijaš;
- prijedlog Službe za privredu i finansije općine Ilijaš i
- prijedlog Službe za društvene djelatnosti i poslove mjesnih zajednica općine Ilijaš.

Komisija je jednoglasno usvojila sve pristigle prijedloge i isti su uvršteni u prijedlog Odluke o izmjenama i dopunama Poslovnika Općinskog vijeća. Isti će u materijalima za redovnu XXVII sjednicu OV-a Ilijaš, biti dostavljen svim vijećnicima, izuzev prijedloga dostavljenog od strane OO LDS Ilijaš u kojem se predlaže da svaka politička partija koja je zastupljena u OV-u Ilijaš ima svog predstavnika u Kolegiju Općinskog vijeća, bez obzira na broj vijećnika.

Također, član Komisije za statut i propise i predsjednik OO GS Ilijaš, Adem Efendić predložio je da Kolegija Općinskog vijeća čine klubovi sa najmanje dva vijećnika, sa čijim prijedlogom se nisu složila ostala četiri člana Komisije, obzirom da je demokratska praksa u BiH i okruženju da Kolegij Općinskog vijeća čine predsjednici klubova vijećnika koje čine najmanje tri vijećnika.

Predsjednik Komisije

Nihad Suljević, dipl.pravnik
